

滿洲名臣傳

冊五下

內閣文庫	漢書
三〇五	類
一六〇	冊
三四	函

內閣文庫	漢	2305
冊數	160 (70)	
函號	290	43



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



非藏

諭曰翰林院起居注職任重大關係機密朕以爾才品優卓意可信任故行簡用爾其勉以副朕意

上命儒臣繙譯大學衍義是年七月告成傅

達禮奏請刊頒得

旨允行十二年四月

諭曰滿漢文義照字繙譯可通用者甚多後

生子弟漸致差謬爾任翰林院可將滿語照

漢文字彙發明某字應如何用某字當某處

滿州名臣傳

卷三

用集成一書使有益於後學此書不必太急
宜詳慎爲之務期永遠可傳方爲善也後書
成

賜名清文鑑五月教習庶吉士七月重修

太宗文皇帝寔錄充副總裁八月

命同禮部侍郎哲爾肯往雲南經理吳三桂

撤藩起事宜

諭曰因爾等遠往雲南料理遷移事務特賜

朕所佩刀各一口良馬各一匹十一月三日

反被留十三年大兵由湖廣進勦三桂釋傳

達禮等還

上嘉其不屈於賊仍以原官用十四年以

經筵講章不稱

旨罷尋卒

費雅達列傳

費雅達漢軍正白旗人由銓儀衛整儀尉累

遷潼關副將康熙十四年陝西提督王輔臣

叛應逆藩吳三桂附賊日衆費雅達遣

南州名臣傳卷三十五

三五

清沙百傳 卷三十五 三四
旨招撫郿隄縣神道嶺把總雷成金等四百
餘名得

旨嘉獎時漢中尙未恢復十五年二月總督
哈占提督張勇奏設漢中鎮總兵勦賊以費
雅達才能練達謀畧邁衆請陸補暫駐秦州
得

旨費雅達着陞署都督僉事充陝西漢中總
兵官十月費雅達遣官招撫偽總兵賀天祥
副將黃啟遊擊李芳春朱彪臣等兵二千九

百餘收偽劄關防馬驟器械無美十七年大
兵進取漢中十八年六月賊衆萬餘結營于
彘門鎮口之高山堡塞費雅達偕署將軍佛
尼勒等爲頭隊督兵奮勇先登賊敗遁九月
隨奮威將軍王進寶入棧道費雅達自馬峪
河進道險分兵越左右山梁自統兵由溝底
爲中路更撥一軍爲後應賊伐樹塞路我兵
開通直抵秦嶺攻拔北木城賊棄南木城遁
斬四百餘生擒四十餘左右後應兵皆會追

至靖寇闕復分三路進賊倚蜈蚣嶺拒守我
兵自下仰攻進寶遣兵山後夾攻賊驚潰追
殺五百餘墜崖澗者無算時進寶復鳳縣城
合兵至武關賈雅達由左攻擊斬闕入賊大
敗追至雞頭闕生擒偽總兵羅朝興斬獲千
餘賊首王屏藩走廣元遂復關中敘功加都
督同知十九年六月同提督王之鼎防守永
寧八月賊來犯拒守月餘援絕城陷死之二
十年追

贈左都督太子少傅

賜祭葬諡忠勇

予騎都尉世職子維翰襲雍正七年賈雅達
入祀昭忠祠

尹秦列傳

尹秦滿洲廂黃旗人姓章佳氏初由翰林院
筆帖式補

起居注主事康熙十九年遷內閣侍讀二十
七年授翰林院侍講充

清史稿卷三百一十五

三六

滿洲名臣傳 卷三十五
日講起居注官明年轉侍讀三十四年遷國子監祭酒三十七年授錦州佐領五十二年以病罷雍正元年正月擢內閣學士三月遷工部右侍郎七月轉左十月擢左都御史十一月疏言六科書吏賄通提塘造爲小抄晚帖開寫口傳

諭旨或誤繕清文甚至將

皇上賞賜及問對之處任意捏造應請禁止有捏造傳發者治罪二年二月疏陳文武各

官頂帶補服坐褥俱照品級等差毋許僭越又官民服用黑狐及黃色米色者應嚴禁並從之尋充會典總裁三年四月疏請御史試俸一年期滿如未能深信者再試一年俾賢否可詳察得

旨俞允五月以原品署

盛京禮部侍郎兼管奉天府府尹事八月疏言奉天府所屬承德等九州縣存貯米豆甚多倉廩不敷前府尹鄒汝魯請於地丁糧內

折二徵銀爲建倉之費以雍正元年二年爲
則本年折二之例應停臣思粟米多貯有益
兵民之口食黑豆多貯無用易朽難久請自
雍正四年爲始按畝徵米按丁口徵銀停徵
黑豆俾民免輓運之勞官省倉廩之費又前
府尹廖騰燿請每年米豆十分借三與民春
借秋還奈關外地廣民居距城遠一借一還
搬運甚難多不願者州縣拘例按于派借雖
豐年亦必拖欠請令民願借者赴領不願者

聽卽以其餘照時價糶銀秋收買補則上有
出陳易新之寔政下無按丁派借之苦累又
言錦縣寧遠州廣寧縣庄穀應徵積欠九千
餘萬石若盡需建倉工費不貲關東風高土
燥康熙年間所收庄穀有窖收者每窖貯穀
千石經二十年無紅朽請擇近城高燥地掘
窖貯穀可免繁費倘年久或有變色酌糶以
免霉泔亦疏通一法也九月疏言凡部事俱
有定限處分奉天將軍及五部之事有經年

不完者又有應接之事而推委不應接之事
反接辦者易滋弊竇請歲遣御史一員稽查
如有情弊據寔奏處則事內牽連人無久待
之苦亦無越職之嫌諸疏並下部議行四年
十月山海關總管多索禮交庄頭餘地尹泰
因方運米不及派官丈收多索禮以尹泰藉
端推委請嚴審
命吏部侍郎查郎阿往鞫議降調得
旨解府尹任仍以左都御史協理奉天將軍

事五年閏三月將軍噶爾弼奏言

盛京海洋應增設水師營尹泰疏稱錦州復
州蓋州海洋係達登州海口非大海比且旅
順口天津俱有水師營儘可輪班巡察若增
設則製船造房及兵餉等項需費浩繁究於
巡察無益下議政王大臣議令噶爾弼尹泰
畫一具奏兩人仍各執前說
諭曰盛京添設水師營如果於巡察有益即
多費錢糧亦應舉行若屬無益何用添設議

政王大臣再議尋議如尹泰所奏停止六年
八月以遺漏入官家產財物革職先是康親
王壯丁裴含章許訐尹泰抑勒入官房價強
賣奴僕等款尹泰解任來京下刑部鞫訊得
含章欠交官帑內監造挾仇誣控狀尹泰事
得釋十一月
特旨開復七年正月
諭曰滿漢大學士俱各全脩辦理妥協無庸
再增因

聖祖仁皇帝時所有年久老成今在朝者甚
少時深注念尙書陳元龍左都御史尹泰歷
事

聖祖多年屢經任使雖年近八旬而精力尙
健着加恩授額外大學士以示優眷至意尋
授尹泰東閣大學士兼兵部尙書十一年二
月充

玉牒館副總裁十三年冬恭修

世宗憲皇帝寔錄

命尹泰充總裁乾隆元年三月以老病乞罷
上未許三年七月復陳病衰日甚虛曠職守
憲

予解退

命以原官致仕九月卒遺疏入

諭曰尹泰耆舊老成宣力年久

皇考簡拔於退休之後洊陟綸扉寧靜和平
奉職惟謹去年伊子繼善來京陛見朕因尹
泰年邁授尹繼善刑部尙書俾朝夕侍養伊

以老病乞休朕慰留再三始允所請昨舊病
作遣太醫診視冀其痊可今聞溘逝深爲軫
悼已命散秩大臣賜奠茶酒加太子太傅於
應得卹典外加祭一次以示優禮舊臣至意
壽

賜祭塋如例諡文恪子尹繼善官至大學士

自有傳

高其倬列傳

高其倬漢軍廂黃旗人父廕爵任口北道其

高其倬列傳

三十五

倬由康熙三十三年進士改庶吉士散館授
檢討尋兼佐領四十一年充四川鄉試正考
官四十五年遷右中允尋轉左四十六年遷
侍講四十八年提督山西學政五十一年丁
父憂服闋補侍講遷右庶子五十五年轉左
五十六年二月遷侍講學士十一月遷內閣
學士五十八年正月以河南南陽鎮標兵扶
忝圍辱知府
命其倬同刑部尙書張廷樞往鞫得寔寘首

犯於法總兵高成等論罪如律二月丁毋憂
五十九年授廣西巡撫六十一年二月署雲
貴總督十二月寔授雍正元年九月疏言雲
貴兩省土司承襲向有陋規上下衙門每因
文結舛錯藉端需索苦累臣已嚴行禁革并
請嗣後咨部文冊內數字舛錯無甚關係者
免其駁換於疏內代爲聲明庶承襲事易結
捐索弊除得

旨嘉獎十二月疏言雲貴魯魁山土目楊方

普李四姓糾衆剽掠不聽約束本年十月內
其酋方景明等率裸夷數百殺元江裸目施
和尙焚其寨臣遣兵分勦擒景明及裸夷三
百二十六名分別正法

報聞先是青海台吉羅卜藏丹津肆逆謀侵
西藏定西將軍策旺諾爾布檄各路偵禦其
倬以雲南邊外中甸阿敦子地方爲避藏要
路檄遊擊劉宗魁劉國侯等嚴防並遵
旨令提督郝玉麟以兵二千由中甸進駐察

木多副將孫宏本以兵五百赴中甸爲聲援
二年二月羅卜藏丹津爲大軍所敗竄準噶
爾青海平中甸喇嘛營官番目等携三千五
百戶繳偽劄納土歸誠其倬疏

聞

上嘉其妥協給騎都尉世職十月貴州狝家
苗酋阿近與弟阿卧倚險作亂其倬以狝家
苗聚處定番廣順二府境其附近苗寨多被
迫脅遣人招撫阿近等勢窘爲官兵所擒疏

至
諭部優敘加三級尋請增雲南楚姚鎮兵六
百並增鎮屬景蒙營叅將守備各一千總二
把總四兵千卽以新裁援勦左右兩營弁兵
撥補部議從之十一月條奏中甸善後事宜
一中甸開墾商民日增請設撫番清餉同知
及經歷巡檢等官管理一番目舊有營官神
翁列賓名目聽堪布喇嘛指使請給外委守
備千把總劄付聽中甸文武官轄一中甸向

行滇茶請照打箭炉例設引收課由麗江府
收報一中甸沿江數百里及山谷曠土甚多
請給牛種房屋招佃開墾三年後起科供增
駐官兵歲糈一中甸僧衆千餘寺屋數百收
藏軍械易於宿奸番人舊給喇嘛費甚多應
裁減除出身西藏之喇嘛外其本地喇嘛選
誠寔者三百名咨給度牒餘以次選補器械
入官每年量給青稞酥油並銀三百兩爲口
糧衣單資至番目受外委劄付亦分別歲給

銀兩青稞養贍又條奏魯魁山善後事宜一
魯魁山內通哀牢外界異域須重兵控壓請
設普威營置叅將一駐普洱守備二分駐威
遠土州及茶山干總四把總八分汛控禦一
賊巢全在元江協與新舊營所轄地新舊營
隸臨元鎮不隸元江協兩界互相推卸悞事
請移新舊營及擬設之普威營均隸元江協
以臨元鎮統轄一威遠土州爲野賊逋逃藪
請改土歸流設撫爨清餉同知及經歷并大

使巡檢等官分管鹽井地方事務一方姓普
姓土職糾衆滋擾請停襲一威遠新開之按
板抱母二鹽井歲獲息銀二萬餘兩請充新
兵餉一裸目施和尚之姪臘勒等妻子請移
駐九江府城威遠土官刁光煥子弟家口移
省城安置一九龍江口夷人出入處請設汛
照山海關例給印票客商兵役往來一例盤
察毋得出境滋事村寨各編里甲戶口以資
稽察一設義塾數處夷人子弟有志讀書者

入塾誦習於元江府附考額外加取二名一
勸誨夷人墾田請照雍正元年定例旱田十
年水田六年後陞科又條奏貴州苗疆事宜
一定番廣順碩苗皆就擒請于西猛設汛調
定廣營千總駐防一定番廣順二州路通廣
西泗城土府請于西藤斷杉樹二處設汛衛
行旅一請改大定鎮爲協裁中營遊擊以左
營兼中營仍守大定移中營守脩一千總把
總各一分防廣順州所屬長寨遮貢安順府

所屬十三枝普定縣所屬五枝等處移把總
一防羊城堡統歸定廣協轄至都勻府屬之
獨山州接廣西南丹土州苗性尤頑請移都
勻守脩駐防一黔省境連川楚姦人勾結掠
販人口爲害請定例地方官一年內分別拏
獲人數議敘其不能查緝爲他處獲者亦照
人數議處客人有買貧民子女者報官用印
不得至四五人違者照典販者科斷一黔省
與楚蜀滇粵接壤請定例夷人越界拏送本

省滋事者即於其地審辦又黔省有拏白放
黑之習被人劫殺力不能報將無干之家奪
其人畜暗插冤單令其轉爲報仇否則索贖
請加應得罪一等一土司等貧困不支徃徃
以有糧田詭稱無糧與紳衿商民買主收無
糧之田司納無糧之賦久之完納無資或派
令屬苗代完請徹底清查令執業者輸納又
土司下設立權目人等報明有司後有事發
併懲一黔地潮濕倉米易朽請核計兵米存

二年之蓄餘於春秋減糶著爲例一黎平府
與楚省五開衛同城民苗襍處分隸兩省請
改五開衛爲縣隸黎平銅鼓衛亦歸併五開
古州八萬等苗疆均屬黔省事權歸一又言
向來雲貴兩省援補千總把總皆以本營補
本營之缺伏思同爲兵丁一旦難以約束卽
同輩千總亦羣非笑其不肖者則又護庇兵
丁將備稽查不易爲力請嗣後援補本營時
卽於外營對調不必仍留本營

詔如所請三年二月加兵部尙書銜五月疏
言近聞策妄阿喇布坦萬里効順籌度經久
之計正在此時臣以爲兵宜酌減脩禦未可
全撤西路形勢臣所不知至阿爾台一路臣
會運米二次自殺虎口出經蒙古各部落約
三四千里大兵駐劄極邊甚有關係似宜兵
數量減米數微增則遠戍倍加踴躍
上嘉納之六月晉太子少傅十月調福建浙
江總督其倬以雲南鶴慶府鄧州嵩明騰越

三州六和浪穹二縣土軍丁賦係明嘉靖萬
歷間因夷人作亂暫撥民人協防隨立太和
所鳳梧所名目每丁徵銀一兩伊等旣納民
賦於本籍又輸軍賦於防所相仍未革疏請
豁除

允之四年抵閩浙總督任疏言福興漳泉汀
五府地狹人稠自平定台灣以來生齒日繁
山林斥鹵之地悉成村落多無田可耕流爲
盜賊勢所不免臣再四思維惟廣開其謀生

清江雜錄卷三十一
之路如開洋一途前經嚴禁但察富者爲船
主商人貧者爲頭舵水手一船幾及百人其
本身既不食本地米糧又得沾餘利歸養家
屬若慮盜米出洋則外洋皆產米地慮透消
息則今廣東船許出外國豈福建獨慮洩漏
慮私販船料則中國船小不足資彼之用以
臣愚見開洋似于地方有益請弛其禁
詔下怡親王會同大學士九卿議行五年四
月疏言台灣水沙連等社兇番自朱一貴作

亂後不納餉賦肆行焚劫臣令台廈道吳昌
祚同知王沂泰將何勉等率弁兵番壯分路
裹糧進剿擒首惡骨宗等二十名各社相繼
歸誠

報聞十月以李衛爲浙江總督

命其倬專管福建總督事六年二月條奏福
建鹽政事宜一謹產地之收曬閩省鹽場福
清最大請做保甲法添設團長甲長查報日
曬之鹽設總倉封鎖以杜私賣且免雨水之

患修砌莆田各團嶺窟以資防護一嚴銷地
之售賣閩鹽向係商行後改官運近用水客
商販請暫令水客認銷而以官運接濟三年
無悞報部充爲商人再發引以立成法場鹽
多產之時仍照官運例動課收積一定鹽課
額數閩省鹽課有額徵公費二項請照定數
作正數其溢行之鹽所獲銀數造爲盈餘報
查除支給鹽道各衙門公用外餘造冊報銷
解部水脚卽於長價等項內撥納一酌辦理

之人員閩省舊設鹽務各官雍正二年裁汰
請嗣後於佐雜官內遴辦毋庸另設下部議
行六月以原任山西道御史蕭震於康熙十
三年遭耿逆之變與原任邵武府知府張瑞
午等合謀討賊事洩殉身妻妾媳婢同時死
節瑞午業蒙

卹典而震獨遺疏請入鄉賢祠致祭旌其門
詔如所請七年六月因與台灣革職知縣周
宗瑄濫致書札又未審出加徵耗穀各寔情

部議革職

命降三級留任尋疏言閩省戰船多係平台
灣時所獲長濶不稱請酌定丈尺隨時更改
閩安協右營之船多鉄板沙線請改爲平底
以適進哨之用又請改福建同安泉州長福
邵武四營遊擊爲叅將增設灌口安海二汛
守備各一移泉州府糧捕通判駐安海汛連
江縣守備駐東岱汛移東岱汛于總駐筭門
汛部議從之閏七月來京

陛見

御製詩

賜之有操凜冰霜功帶礪匡時重鎮眷良臣
之句八年二月晉太子太保四月回任先是
上以其倬通曉堪輿術

命詣

福陵恭視形勢工程其倬奏言

陵前左畔水法因夏口溢流稍更故道弓抱
之勢微覺外張必須順導河流方稱盡善至

清州名臣傳

卷三十五

五

是大學士等議如所奏濬修五月調江西總督復

命來京六月疏叅巡台御史李元直任性滋事狀下部察議元直降三級調用九月以其倬隨怡賢親王允祥相度

萬年吉地於易州境內泰寧山太平峪

特授一等輕車都尉世職并前所得騎都尉爲三等男

諭曰高其倬歷任封疆其樹績建勲揚名垂

譽者不可悉數原不以此爲宣力見長之地乃能悉心籌度務期萬全一毫無瞻顧推諉寔出于一片忠愛至誠之惻不僅才識超羣已也是月

命署雲貴廣西總督九年疏言雲南昭通府四面環山請委員專辦墾務定爲水旱生熟四項分給兵民保土各戶墾種按年收穀還本後起科輸米以省兵米運費下部議行十一年正月

命仍回兩江總督任會雲南普洱府屬思茅
土把總刁國興勾苦惹蠻煽元江夷攻普洱
府城通關大寨獯夷復附苦惹蠻過阿墨河
犯他郎城地方其倬檄提督蔡成貴等分路
進勦擒其酋并賊屬五百餘斬級甚衆疏至
報聞九月

命以總督銜管江蘇巡撫事十二年以瞻徇
知縣趙崑瑤承修海塘工程賠項部議降調
尋授江蘇巡撫十三年疏叅淮關監督年希

堯庇縱玷職

詔嚴鞠削年希堯職乾隆元年正月以疾
召還京四月授湖北巡撫尋調湖南二年七
月以湖南城步綏寧二縣徭糾黨焚劫其倬
偕總督史貽直遣兵分勦賊黨悉平
諭部優敘加三級三年三月擢工部尚書尋
調戶部十月卒于寶應舟次遺疏入
諭曰高其倬練達老成宣力年久今聞溘逝
深爲悼惜著沿途官弁護送回旂尋

滿洲名臣傳 卷三十五
賜祭葬如例諡文良

阿克敦列傳

阿克敦滿洲正藍旗人姓章佳氏康熙四十八年進士改庶吉士五十一年授編修五十二年二月充河南鄉試副考官十月充日講起居注官五十三年十二月特旨阿克敦學問好前典試聲名亦好著授侍講學士五十五年轉侍讀學士五十六年九月朝鮮國王李焞病目遣使來購空青

命阿克敦賚

賜之十月充

經筵講官尋遷詹事府詹事五十七年十月擢內閣學士六十年四月朝鮮國王李昉請以其弟李昉立為世弟

命阿克敦偕侍衛佛倫往封十月擢兵部右侍郎十一月兼翰林院掌院學士時恭纂聖祖仁皇帝寔錄

命阿克敦為副總裁雍正元年三月

恩賜二品廕生四月充

日講起居注官七月

命專管翰林院掌院學士事尋充

四朝國史副總裁二年五月充

大清會典副總裁十一月充繕譯鄉試副考

官十二月

命偕散秩大臣舒魯封李昉為朝鮮國土三

年二月充治河方畧副總裁七月兼左副都

御史十二月授禮部左侍郎仍兼兵部侍郎

四年三月充繕譯鄉試副考官四月調兵部

左侍郎兼國子監祭酒是月兩廣總督孔毓

璠請

陛見

上命阿克敦往署總督兼署廣州將軍福建

汀州府入屬例銷粵鹽毓璠奏准汀州府引

課知府總其成歲具印領自備鹽價水脚赴

潮領運分發入縣協辦銷售十二月阿克敦

疏言汀州入屬雍正元年至三年共未完課

餉銀四萬九千四百二十八兩請仍照前督
臣楊琳所奏委官辦理發帑融銷以雍正四
年爲始先完額引方輪舊引帶銷庶免新舊
混淆其未完銀勒限清欵部議如所請每年
所銷鹽餉銀除歸還水脚等項仍儘數解庫
又疏言粵省瀕海一帶盜賊出沒全賴左翼
碣石二鎮總兵訓練巡防方能安戢聞碣石
總兵陳良弼秉心貪黷凡漁船出口俱勒陋
規拔補亦多索取左翼總兵藍奉令二子

名補把總倚勢累兵似此劣員寔不宜於重
鎮得

旨據寔上奏殊爲可嘉現採擇勝任之人爾
卽具本題叅可也初廣東巡撫楊文乾議將
高要等五縣圍基頂衝改築石工次衝改作
椿埽計費數十萬金借庫銀修築且有開掘
之議阿克敦意與相左文乾專摺奏請五年
正月阿克敦疏言查廣東沿江之高要高明
四會三水南海五縣向有圍基俱係土工開

實建隳以時蓄洩年年十一月後地方官督
率鄉民按畝分工加卑培薄民不爲苦官無
所費至田畝間有被淹圍基衝決多因江漲
但水性不猛非必石土椿埽方能抵禦請仍
循舊法令地方官農隙督民修補倘遇江水
驟漲遣員巡查以防衝決圍基卽能保固無
庸改築費帑且無一勞永逸之理得
旨所奏甚是尋請以廣州肇慶屬圍基專遣
廣南韶道肇高廉羅道督修與毓珣會疏

聞下部議行廣西梧州府蒼梧縣之芋茨山
產礦砂奸民聚黨偷挖經毓珣通緝未獲至
是阿克敦嚴飭捕役緝獲潛十八譚六等十
四名皆有旂械爲首之李亞展亦於陽江緝
獲訊寔事

聞奉

諭此案朕時刻繫念今覽此事就緒甚爲慰
悅四月調吏部左侍郎六月署廣東巡撫八
月疏劾肇高廉羅道王士俊侵稅羨銀千餘

兩請徹底清查疏

聞

諭曰徹底清查固屬當然但王士俊尙屬可用之員當嚴加訓飭令其遷改九月署廣西巡撫十二月疏報廣西省雍正四年分民屯田六十六頃四十五畝有奇應征銀米水田於六年起科旱田於十年起科部議如所請先是文乾密奏阿克敦於廣南韶道林兆憲採買木廠被劫不嚴緝新會縣獲盜犯龍門

營汎被劫軍器均囑令屬員審作竊賊從寬批結電白山聚盜多人白日沿劫匿不奏又侵蝕粵海關火耗銀令家人索取暹羅國米船規禮銀請查審嚴追又毓珣奏阿克敦侵蝕太平關火耗銀並請查追六年六月特旨阿克敦著革職交孔毓珣楊文乾密奏尋文乾卒八月

上特遣通政使留保工部郎中喀爾吉善往會毓珣署廣東巡撫傅泰嚴訊嗣留保等奏

訊阿克敦稱盜犯承審官審覆是竊非盜並未囑令串供又各盜俱經嚴緝因失事未久旋即離署未

題粵海太平兩關火耗銀舊規分作司事束修工食並非侵隱至內地洋船無票者例繳船禮爲雜項公用船戶葉舜德係福建人非暹羅米船向有舊規寔非勒取但均未禁革願賠補等語阿克敦所供究屬矯飾除諱盜侵耗輕罪不議外應坐令家人索取暹羅米

船規禮依律擬絞又因士俊前揭告阿克敦袒護布政使官達婪賍不行查糸毓珣等遵旨會訊定擬具奏並下部議斬監候七年十月山東巡撫費金吾以疏濬濟寧嘉祥及江南徐州沛縣水道請派員督修特旨原任侍郎阿克敦前在廣東任內尙無貪贓犯法等情著寬免釋放往江南河道工程効力以贖前愆九年七月上以準噶爾擾喀爾喀游牧

命撫遠大將軍馬爾賽由阿爾台進勦授阿
克敦爲內閣額外大學士協辦撫遠大將軍
軍務十一年十二月
命阿克敦辦理扎克拜達里克糧餉十二年
六月
召還七月西路北路將軍皆言兵力有餘賊
勢窮蹙可進勦
上特遣阿克敦偕侍郎傅鼐副都統羅密往
準噶爾

諭噶爾丹策凌以

寬大之恩開其迷誤畫清邊界不得踰越十
三年四月回京奏稱噶爾丹策凌請將哲爾
格西喇呼魯烏蘇爲我喀爾喀游牧地界
上以阿克敦等奏摺併地圖密寄北路副將
軍策凌詳悉定議尋策凌議奏往者喀爾喀
游牧尙未至哲爾格西喇呼魯烏蘇應如所
請行至彼處厄魯特游牧必以阿爾台山嶺
爲界若游牧逼近防守寔難斷勿令過山嶺

上從其議閏四月署廂藍旗滿洲副都統五月署工部右侍郎八月充八旗通志副總裁九月

命守護

泰陵乾隆元年

恩賜二品廕生二年閏九月管理

泰陵工部事務三年正月噶爾丹策凌遣使求策凌轉奏喀爾喀與厄魯特以阿爾台山嶺爲界俱照現在駐牧

上以其詞恭順

命阿克敦爲正使偕副使侍衛旺扎爾台吉額默根賚

敕往

諭定地議界十二月阿克敦等率噶爾丹策凌來使哈喇自準噶爾回京奏稱噶爾丹策凌今議定界請循布延圖河南以博爾濟昂吉勒圖烏可克嶺噶克察爲界北以孫多爾庫奎多爾多輝庫奎至哈爾奇喇博木喀喇

巴爾楚克爲界彼處之厄魯特毋踰阿爾台
山嶺喀爾喀亦祇於扎布堪游牧相距遼遠
庶可兩無牽掣又請進藏煎茶并懇貿易
上以噶爾丹策凌旣遵
旨定界嗣後近邊居民各安故土更無爭競
允其進藏煎茶貿易事
欽派大臣與來使哈柳議行是年授工部右
侍郎四年七月轉左侍郎八月充繙譯館試
副考官十二月充一統志副總裁五年二月

調刑部右侍郎尋轉左四月教習庶吉士閏
六月調吏部左侍郎七月充
經筵講官六年四月協辦步軍統領刑名事
務七年三月署正白旗漢軍都統八年六月
授廂蓋旗滿洲都統十年三月充會試正考
官五月充
五朝國史副總裁兼翰林院掌院學士六月
充
日講起居注官十一年閏三月擢右都御史

兼議政處行走五月授刑部尙書十二年八月充順天鄉試正考官十三年正月

命協辦大學士事務四月奉旨不必協辦是月翰林院奏進

孝賢皇后冊文繙譯錯誤奉旨此非無心之過文意不通可比且此文留於中欲細覽交出及看出大不敬背謬之處欲傳旨詢問則阿克敦等皆散去此皆阿克敦因前日解其協辦大學士之故心懷怨望

且伊子

皇考時獲罪起用朕洊用至尙書數年來寔無出衆宣猷之處而每以文學老誠自命不得陞用輒懷怏怏阿克敦著革職交刑部治罪部議以阿克敦怨望大不敬依律擬斬監候六月奉

旨阿克敦著照革職留任之例在內閣學士上行走効力贖罪仍署工部侍郎事務閏七月



上諭刑部事務緊要滿洲尙書員缺朕於各部侍郎內詳悉評量或才堪辦事而踐歷未久或才力未充而統率非宜一時未得其人阿克敦前雖獲罪尙係舊人且其獲罪不因辦理部務錯謬尙可棄瑕錄用著署刑部尙書是月卽以原銜充

經筵講官協辦步軍統領衙門刑名事務授願白旂漢軍都統九月充會典館總裁又充清漢篆文副總裁十月兼翰林院掌院學士

事務充

日講起居注官十二月協辦大學士充國史館總裁十四年二月以金川平加中外在事諸臣秩

諭曰阿克敦久膺要任歷著清勤宜一体加恩以昭風勸著加太子少保七月上幸木蘭

命留京辦事兼署步軍統領十月

賜紫禁城騎馬十二月

清史稿卷三十五

六十四

賜御書協中輔治額十五年七月

上巡幸河南

命留京辦事九月兼署左都御史十六年正月署步軍統領十九年四月

上以阿克敦七十壽辰

賜御書贊元錫嘏額五月

上幸

盛京

命留京辦事二十年正月以目疾請假

上允之

遣太醫診視復經屢次陳情

命以原任致仕二十一年正月卒遺疏上得

旨阿克敦簡任中外宣力有年上年因患目

疾俾予致仕使得安養異其痊愈今聞溘逝



深為軫惻遣散秩大臣率同侍衛往奠茶酒

賞銀一千兩辦理喪事應得卹典察例具奏

尋

賜祭葬如例諡文勤子阿桂現任大學士以

軍功封一等誠謀英勇公



滿洲名臣傳卷三十五終

天保三

